

gnaden fallen lassen / vnd darin geduldung haben / doch
wenn sich solch Bergkwerck auff silber / oder andere mehr
methal / dan zyn berck werg erweisen vnd zutragen wür-
de / Als dan vnd auff dem sal vnser fürstliche gebür vn-
gerechtigkeit / hiemit gantzlichen furbehalten / vnd aus-
gezogen haben.

Suchen vnd schürpffen auch den erbttheil des Ackermans.

Würde sichs auch begeben / das einer auff vnserer
vnderthanen gueter suchen / vnd schürpffen würde / sol
iederman gegunst vnd zugelassen werden / der gestalt so
er nichts antreffen thet sein pleibens zuhaben das er die
geworffen schürpffe / an enden vnd stellen do es den eyn-
wohnern schaden g. byrth / wiederumb eynzufüllen /
durch Bergkmeister vnd geschworne in einer angesetzte
zeit / dohin gehalten werden. .

Alle seiffen welche anff diesen vnsern welden gelegen. .

Alle Seiffen so yn dieser arth / vnd Refir gehörig /
wollen wir / das die gewercken vns / wie denen von
Tettaw / von alders herkommen / die yerlichen zins
geben sollen / ausserhalb der Seiffen / der Steynbach
genant / sol sein zyn wie denē von Tettaw sie gethan habē
vns wie das ander zin so gemacht / alwege vorzehendē.
Bergk-